

दे॒वा॒नां प्र॒सवि॒ता स॒वितृ॒प्रसू॒त ए॒वैनमे॒तद॒भिषि॒ञ्चति॒ स॒रस्व॒त्यै स्वा॒हेति॒ वा॒ग्वै  
 स॒रस्व॒ती वा॒चैवैनमे॒तद॒भिषि॒ञ्चति॒ पू॒ष्टे स्वा॒हेति॒ प॒शवो॒ वै पू॒षा प॒शुभिरे॒वैनमे॒  
 तद॒भिषि॒ञ्चति॒ बृ॒हस्प॒तये स्वा॒हेति॒ ब्र॒ह्म वै बृ॒हस्प॒तिर्ब्र॒ह्मणै॒वैनमे॒तद॒भिषि॒ञ्चत्ये॒  
 ता॒नि पु॒रस्ता॒दभिषे॒कस्य॒ जुहो॒ति ता॒न्येता॒न्यग्नि॒नामा॒नीत्या॒चक्षते ॥ ८ ॥ अथ जु॒  
 होति । या॒न्युप॒रिष्ठा॒दभिषे॒कस्य॒ जुहो॒तीन्द्रा॒य स्वा॒हेति॒ वी॒र्यं वा॒ऽइन्द्रो॒ वी॒र्येणै॒  
 वैनमे॒तद॒भिषि॒ञ्चति॒ घो॒षाय॒ स्वा॒हेति॒ वी॒र्यं वै घो॒षो वी॒र्येणै॒वैनमे॒तद॒भिषि॒ञ्चति॒  
 श्लो॒काय॒ स्वा॒हेति॒ वी॒र्यं वै श्लो॒को वी॒र्येणै॒वैनमे॒तद॒भिषि॒ञ्चत्य॒ऽशाय॒ स्वा॒हेति॒ वी॒र्यं  
 वा॒ऽअ॒ऽशो वी॒र्येणै॒वैनमे॒तद॒भिषि॒ञ्चति॒ भ॒गाय॒ स्वा॒हेति॒ वी॒र्यं वै भ॒गो वी॒र्येणै॒वै॒  
 नमे॒तद॒भिषि॒ञ्चत्य॒र्यम्णे॒ स्वा॒हेति॒ त॒देन॒मस्य॒ स॒र्वस्य॒र्यम॒णं क॒रोत्येता॒न्युप॒रिष्ठा॒दभि॒  
 षे॒कस्य॒ जुहो॒ति ता॒न्येता॒न्यादि॒त्यना॒मा॒नीत्या॒चक्षते ॥ ९ ॥ अ॒ग्रेण॒ मैत्रा॒वरु॒णस्य॒  
 धि॒क्ष्यम् । अ॒भिषे॒चनी॒यानि॒ पा॒त्राणि॒ भव॒न्ति य॒त्रैता॒ आपो॒ऽभिषे॒चनी॒या भव॒न्ति  
 ॥ १० ॥ पा॒लाशं॒ भव॒ति । ते॒न ब्रा॒ह्म॒णो॒ऽभिषि॒ञ्चति॒ ब्र॒ह्म वै प॒लाशो ब्र॒ह्मणै॒वै॒  
 नमे॒तद॒भिषि॒ञ्चति ॥ ११ ॥ अ॒दु॒म्बरं॒ भव॒ति । ते॒न स्वो॒ऽभिषि॒ञ्चत्य॒न्नं वा॒ऽऊ॒र्गुडु॒  
 म्बरं॒ ऊ॒र्वै स्वं या॒वद्वै पु॒रुष॒स्य स्वं भव॒ति नै॒व ता॒वद॒शना॒यति॒ तेनो॒र्कस्वं त॒  
 स्मादौ॒दुम्ब॒रेण॒ स्वो॒ऽभिषि॒ञ्चति ॥ १२ ॥ नै॒यग्रो॒धपा॒दं भव॒ति । ते॒न मि॒त्र्यो रा॒ज॒  
 न्यो॒ऽभिषि॒ञ्चति॒ प॒द्विर्वै न्यग्रो॒धः प्र॒तिष्ठि॒तो मि॒त्रेण॒ वै रा॒ज॒न्यः प्र॒तिष्ठि॒तस्त॒स्मान्नै॒  
 यग्रो॒धपा॒देन॒ मि॒त्र्यो रा॒ज॒न्यो॒ऽभिषि॒ञ्चति ॥ १३ ॥ आ॒श्वत्थं॒ भव॒ति । ते॒न वै॒श्यो  
 ऽभिषि॒ञ्चति॒ स य॒दे॒वा॒दो॒ऽश्व॒त्ये ति॒ष्ठत इन्द्रो॒ मरु॒त उ॒पाम॒न्त्रय॒त त॒स्मादा॒श्व॒त्येन॒  
 वै॒श्यो॒ऽभिषि॒ञ्चत्येता॒न्यभिषे॒चनी॒यानि॒ पा॒त्राणि॒ भव॒न्ति ॥ १४ ॥ अथ प॒वित्रे॒ क॒रो॒  
 ति । प॒वित्रे॒ स्थो वै॒ष्णव्या॒विति॒ सो॒ऽसा॒वेव ब॒न्धुस्त॒योर्हि॒रण्यं प्र॒वय॒ति ता॒भ्या॒  
 मेता॒ अभिषे॒चनी॒या अप॒ उत्पु॒नाति॒ तद्य॒द्वि॒रण्यं प्र॒वय॒त्यमृ॒तमा॒युर्हि॒रण्यं त॒दा स्व॒  
 मृ॒तमा॒युर्द॒धाति॒ त॒स्माद्वि॒रण्यं प्र॒वय॒ति ॥ १५ ॥ स उत्पु॒नाति । स॒वितु॒र्वः प्र॒सव॒